

勝
飲
編

清
郎廷極著

下

進步書
局校印

赤
子
船

PDC

勝飲編卷十

清 廣寧郎廷極北軒輯

出產

酒隨地有之。乃留傳者。不過數處。甚矣良醞之難也。亦有並非產酒。純因勝流托跡。偶一把杯。被以齒牙餘論。遂爾得名者。次出產第十。

中山 搜神記。中山人狄希能造千日酒。博物志。載荆元石於中山酒家。醉歸事。又志怪。齊人田無已。亦能造千日酒。

邳淶 荆州記。淶水出豫章康樂縣。取其水釀酒。極甘美。與湘東邳湖酒。年常八貢。世稱邳淶酒。

蒼梧宜城 張華詩。蒼梧行業清。宜城九醞醞。又唐人詩。宜城釀酒今應熟。關中 鄆陽酒賦。其品則沙洛淶邳。關中白薄。

荆南豫北 張協七命。荆南烏程。豫北竹葉。

烏程 北軒主人曰。羊士諤詩。金罍幾醉烏程酒。烏程。浙湖州首邑。秦時有烏氏程氏善釀。因名。張協。荆南烏程。則鄉名。見盛宏之。荆州記。亦言秦有烏金。程休。兩家。

善釀酒。未知孰是。

桂陽 南史桂陽程鄉。有千里酒。飲之逾千里。至家而醉。

上若下若 吳興志。若溪在長興縣。亦名箬溪。南曰上若。北曰下若。村人取其水釀

酒。醇美。勝雲陽。劉夢得詩。鸚鵡杯中若下春。若下即下若也。

河東 霏雪錄。河東桑落坊有井。每至桑落時。取水釀酒甚美。故名桑落酒。

蘭陵 李白詩。蘭陵美酒鬱金香。玉椀盛來琥珀光。但使主人能醉客。不知何處是

他鄉。

蒲城 庾信詩。蒲城桑落酒。灞岸菊花天。

鄆筒酒 蜀志。鄆地出大竹。截之盛酒。間以藕絲。包以蕉葉。信宿香達。曰鄆筒酒。

太行 蘇子美詩。太行美酒清如天。

新豐 庾信詩。新豐酒徑多。王維詩。新豐美酒斗十千。

吳醴吳醴 吳醴見楚辭。吳醴見六朝人詩。

長安 袁子政論。長安九釀中山清醴。

餘杭酒 丁仙芝詩。十千兌得餘杭酒。二月春城長命杯。列仙傳。麻姑至蔡經家。酒

盡就餘杭妓沽飲得一油囊酒五斗。

桂林 何中詩。桂林荷頭木香酒。

蜀酒閩酒 杜詩。蜀酒濃無敵。江魚美可求。東坡詩。夜飲閩酒赤如丹。

閩州 陸放翁詩。閩州齊釀絕芳醇。

金陵 太白詩。瓮中百斛金陵春。又白門柳花滿店香。吳姬壓酒喚客嘗。白門即金陵也。

楚酒 見楚辭。

南燕酎 韓琦詩。無辭剩引南燕酎。自注。匠者濟人善釀水酒。即冰堂酒也。

敘州 東坡詩。東樓誰記傾春碧。注。春碧。敘州酒名。

秀州 清雪居士曰。吾鄉水白酒。最為外客所笑。按宋時。秀州酒。有名清若空者。詩家多用之。釋其名義。當即今之水白酒也。又宋張能臣酒名記。秀州酒名月波。取義甚佳。其味當不至是。

劍南 酒名燒香春。見宋詩。

鄧水 太白詩。荷淨蓬池鱉。天寒鄧水坊。時禁中有鄧水酒坊。

辰溪 有鉤藤酒。

黃州 壓茅柴。黃州酒名。韓子蒼詩。三年逐客卧江皋。自與田夫壓小槽。慣飲茅柴
語苦味不知如蜜有香醪。又范石湖詩。瓦盆新熟杜茅柴。凡村酒皆可用。

巴陵 太白詩。巴陵無限酒。醉殺洞庭秋。

雲安 杜詩。聞道雲安麴米春。纔傾一盞即醺人。

杭州 杭州釀酒。趁梨花開時熟。號梨花春。樂天詩。青帘沽酒趁梨花。

南湘 梁宋異賦。豈味薄於東魯。鄙蜜甜於南湘。

射洪 杜詩。射洪春酒寒仍綠。

江陵 酒名。拋青春。退之詩。且宜勤買拋青春。又郢中酒名。富水春。榮陽土窟春。富

平石凍春。東坡所謂唐人名酒多以春也。

羅浮 東坡詩。一杯付與羅浮春。

宜春 吳錄。安成宜春縣。出美酒。

京口 酒名。京清。見周文璞詩。

荊州 山谷集。荊州公厨酒之尊貴者。曰錦江春。

保州定州 酒名錯著水見酒名記
鳳州 鳳州舊傳有三絕手柳酒也。

廣南 有香蛇酒。

京師諸酒 北軒詩話京師諸酒皆近畿所釀有薊涿涑涑滄易等名具列坊肆中。
錢牧齋詩云長安多美酒酒人食其名刁酒非涑水味薄甜如錫易酒釀天壤市
酷安得清魏酒稍芬芳勁正乖典刑未知牧翁所取者何酒也予最愛滄酒色清
而味冽在杭州時有詩云兩年席少麻姑酒三日程送鄒尉花滄州舊號麻姑城
予因以名酒初疑生創後見漁洋山人詩亦用之矣。

蟹酒 羅隱詩兩催蟹酒夜深沽。投荒錄南蠻有女酒人家生女數歲釀糟置壺
水中候女嫁決水取之味甚美。

波斯 酒名三勒漿。

大宛 史記大宛國以葡萄為酒富人藏酒嘗至萬餘石久者至數十年不收 燉
煌張氏傳扶風孟佗以葡萄酒一斛遺張讓即拜涼州刺史。

暹羅 酒史四夷酒暹羅為第一。

緬甸 寰宇志。緬甸有樹頭酒。蓋以樹頭結實如椰子大。土人以罐懸其下。剗實。汁流罐中。卽成酒。樹類椋。或曰卽貝樹也。

真臘 真臘風土記。美人酒。於美人口中含而造之。一宿而成。尤奇。

新羅 李義山詩。一瓊新羅酒。凌晨恐易消。

勝飲編卷十一

清 廣寧郎廷極北軒輯

名號

濁醪有妙理。必簡擇。沽脣亦損真趣。然內府黃封。仙厨玉液。不可不作是想也。次名號第十一。

黃流 詩。瑟彼玉璫。黃流在中。

從事督郵 世說桓溫有主簿。善別酒。有酒輒令先嘗。好者為青州從事。惡者為平原督郵。蓋以青州有齊郡。平原有鬲縣。言好酒下臍。而惡酒在鬲上住也。從事美官。督郵賤職。故取以為喻。陳師道詩。已無白水真人分。難置青州從事來。

歡伯 唐人咏茶詩。睡魔奚止退三舍。歡伯直須輸一籌。

聖人賢人 韓駒詩。閒分酒賢聖。靜記樂君臣。劉賓客詩。藥爐燒姪女。酒瓮貯賢人。清雪居士詩。花中最喜觀君子。酒裏還能學聖人。徐龜事。八推言。

麴秀才 鄭祭開天傳。道士葉法善。一日會朝士。滿座思酒。忽有一人叩門稱麴秀才。突入居席末。論難鋒起。葉潛以小劍擊之。隨手墮地。化為瓶。檮視之。乃盈瓶。醉

釀坐客飲之皆醉。乃揖其瓶曰。麴生風味不可忘也。北軒主人詩。春林剩有山和尚。旅館難忘麴秀才。

麴道士 集異錄。葉靜能謂汝陽王曰。有生徒能飲。當令上謁。稱道士。常持滿。侏儒者也。飲酒至五斗許。醉倒。乃是一瓮。放翁詩。孤我惟尋麴道士。一寒仍賴楮先生。又瓶竭重招麴道士。牀空新聘竹夫人。

麴生麴君 清雪居士詩。麴生真吾友。相伴素琴前。北軒主人詩。香母銅匱初起策。麴君玉斝自生花。

麴居士 山谷詩。萬事盡還麴居士。百年常在大槐宮。

玉友 周必大詩。連翁玉友釣溪鱗。

郎官清 西市睦郎官清。並李肇家酒名。見類書。放翁詩。午甌惟致葉家白。春瓮旋撥郎官清。

紅友 清雪居士詩。世交只合招紅友。身事何須問紫姑。

索郎 水經注。王公庶友牽拂相招者。每云索郎有顧。思得旅語。蓋桑落反語也。時賢失名詩。索郎味好開佳境。齊女聲停發靜思。齊女。蟬別名。

椒花雨 霏雪錄楊誠齋退居名酒之和者曰金盃露勁者曰椒花雨嘗言予愛椒花雨甚於金盃露。

上尊 史漢成帝賜丞相翟方進上尊酒十石東坡詩上尊白日寫黃封黃封謂以黃羅帕封之亦曰黃封酒。

碧香 東坡詩碧香近出帝子家注王晉卿酒名。

黃嬌 清雪居士謝惠米酒詩加餐宜白粲取醉喜黃嬌。

碧琳腴白玉腴 張耒詩曾嘗玉帝碧琳腴不醉長安市上醕韓駒詩去年看曝石渠書內酒均頌白玉腴。

花露 放翁詩紅螺杯小傾花露紫玉池深貯麝煤。

真珠紅 李白詩琉璃鍾琥珀濃小樽酒滴真珠紅。

醜綠翠濤 龍城錄魏左相證能治酒有名曰醜綠翠濤唐太宗賜詩云醜綠勝蘭生漢武百末名酒也翠濤過玉滢隋賜帝名千日醉不醒十年味不敗。

皂花 見梁簡文帝詩。

瑞露珍 三餘雜記田琴逢三書生曰我有瑞露珍釀百花中與飲甘香可愛。

荔枝綠 王公權家酒名。見類書。

二娘子酒 林希逸詩。二娘子酒何妨醉。見東坡別集。

瓮頭清 孟浩然詩。已聞雞黍熟。復道瓮頭清。後人遂以為酒名。

狀元紅 清雪居士謝惠狀元紅酒詩。拜嘉名醞狀元紅。卻走牀頭清若空。清若空者青州

酒名也。見宋詩。措大酸寒凍洗刷。醉魂輕舉碧霄中。

玉浮梁 太白好飲玉浮梁。浮梁即浮蛆酒脂也。

流香 放翁詩。歸來幸有流香在。注新賜酒名。

三辰酒 史諱錄。唐明皇嘗置麴清潭。砌以銀磚。泥以石粉。貯三辰酒一萬車。以賜

當制學士。

碧霞漿雲母漿 北軒主人詩。琴鋪紅錦薦。觴泛碧霞漿。又客歌欲裂雷公石。仙酌

欣分雲母漿。

重碧 杜詩。重碧拈春酒。輕紅擘荔枝。又宋人詩。重碧杯中天更大。軟紅塵裏夢初

收。

缸面新筍 蕭翼賺蘭亭事。

玉鍊匙 唐時酒名。見酒小史。

乾和 沈約詩。釀酒愛乾和。即今不入水酒也。并汾間。以為貴品。名曰乾酢酒。

酥酒 東坡詩。使君夜半分酥酒。

冰堂春 歐陽永叔在滑縣所造酒名。北軒主人曰。酒史載酒之以春名者。如瓦

頭春。竹葉春。麴米春。葡萄春。蓬萊春。洞庭春。海岳春。錦波春。浮玉春。風光春。萬里

春。范至能酒名。松花春。玉露春。軟脚春之屬。皆是。余謂酒實有春意。東坡詩。飲我霞石

杯。放杯恍如春。唐子西詩。硯田無惡歲。酒國有長春。清雪居士詩。難將繩繫日。但

覺酒懷春。試以茶相較。便覺有嚴肅之氣。已成秋象矣。

般若湯 僧家諱酒。因名酒曰般若湯。

茅柴 清雪居士詩。野樹禽啼布穀田。家酒熟茅柴。

瓊瑤酒 漢武內傳。西王母曰。仙家上藥。有玉酒。瓊瑤酒。

瓊蘇酒 南岳夫人傳。夫人飲王子喬瓊蘇綠酒。薛道衡詩。共酌瓊蘇酒。同傾鸞

觥杯。

琬液 拾遺記。王母虜穆王琬液清觴。

瓊錫酒。列仙傳。謝元卿遇仙。設素麟脂。瓊錫酒。

勝飲編卷十二

清 廣寧郎廷樞北軒輯

器具

汙尊坏飲。淳古之風。不行久矣。然玉卮無當。反不若田家老瓦盆。真率可喜。次器具第十二。

陶匏 陶謂陶瓦為酒樽。匏。瓠也。謂破匏為爵。此皆太古禮器。

六樽六彝 見周禮。

五經 侯鯖錄。陶人為器。有酒經焉。以盛酒。似瓦壺之製。晉安人饒人酒。書一經。或二經。五經。他境人不達其義。聞五經至。束帶迎於門。乃知是酒五瓶。為五經也。

三雅 典論。劉表有酒器三大。曰伯雅。受七升。次仲雅。受五升。次季雅。受三升。

酒器九品 逢原記。李適之有酒器九品。蓬萊盞。海川螺。舞仙瓊。瓠子卮。慢卷荷。金蕉葉。玉蟾兒。醉劉伶。東溟榼。蓬萊盞。上有三山。象三鳥。注酒。以山沒為限。舞仙瓊。有闕。拔滿則仙人出舞。

銅鶴樽 朝野僉載。韓王元嘉。有一銅鶴樽。背上注酒。則一足倚。滿則正。不滿則傾。

側。

白獸樽 晉制。元旦於殿廷設白獸樽。獻直言者。發此樽飲之。白獸壺。見周必大

詩。

瘳樽 太白有咏柳少傳山木瘳樽詩。東坡賦酌以瘳藤之樽。放翁詩竹根斷作眠

雲枕。木瘳剗成貯酒樽。瘳桶杯。見皮日休詩。

北辰樽 魏元忠詩。願陪南岳壽。長奉北辰樽。

費樽 放翁詩。費樽恰受三升醞。龜屋新裁二寸冠。樽。即皮襲美所云。訶陵尊也。

鳳凰尊 梁元帝詩。香浮鬱金酒。煙繞鳳凰樽。

璚碧尊 劉楨賦。酌璚碧之樽。翠樽。匏樽。瓦樽。角樽。

流光爵 宣室志。天帝流光寶爵。置之日中。則光氣連天。康爵。逸爵。

甲子觥 見考古圖。北軒主人庚辰元旦詩。頌春已換庚辰歷。宴客還陳甲子觥。

夜光常滿杯 才洲記。周穆王時。西域獻夜光常滿杯。受酒三升。杯是白玉之精。光明

夜照。冥夕出以向天。比明。酒汁已滿。味甘而香美。斯實靈人之器。張正見詩。琴

和朝雉操。酒泛夜光杯。

照世杯 三餘雜記撒馬兒罕有照世杯。光明洞徹。照之可知世事。

自煖杯 開元遺事。唐內庫有酒杯。青玉色。紋如亂絲。其薄如紙杯。足上鏤金字。曰

自煖杯。上令取酒注之。溫溫然有氣。少頃如沸湯。又唐寧王有煖玉杯。不煖自

熱。

碧瑤翠瓊 道藏仙家三寶。有碧瑤杯。紅氍毹。紫玉山。玉清女以贈韋弁。誠齋詩。無

奈春光餐不得。遺詩招入翠瓊杯。

玉交杯 義山詩。寶箏且眠金縷枕。瓊筵不醉玉交杯。

綠玉紅玉 太白詩。遺我綠玉杯。兼之紫瓊琴。樂天詩。身卧翠羽帳。手持紅玉杯。

紫霞杯 王禹玉上元詩。一曲昇平人盡樂。君王又進紫霞杯。霞文杯。見劉孝綽

詩。

玻璃七寶杯 楊貴妃持此酌太白酒。

鶴頂蝦頭 益州記。鶴鷄水鳥。黃喙長尺餘。南人以為酒器。曰鶴頂杯。南越志。南

海以蝦頭為杯。

熊耳杯 邢子才詩。朝馳瑪瑙勒。夕銜熊耳杯。

蟹杯 以金銀為之。飲不得法。則雙螯鉗其唇。必盡乃脫。
雙鳧杯 鞋式。亦名金蓮杯。

鸞杯 盧照鄰詩。長裙隨風管。促柱送鸞杯。

九曲杯 以螺為之。數穴極彎曲。可以藏酒。螽杯。螽。皆是。

月苜杯 天隨子詩。月苜杯舉存三洞。

竹根蓮子 庾信詩。山杯捧竹根。杜詩。傾銀注玉鸞。人眼共醉終同卧。竹根樂天詩。

香傳蓮子杯。又圓玳飛蓮子。

碧筒杯 霏雪錄。魏鄭公懋。率賓佐避暑。取荷葉盛酒。刺葉與柄通。屈莖輪囷。如象鼻焉。持吸之。香氣清冽。名曰碧筒杯。宋人詩。釀熟青田酒。香宜碧藕筒。

榭葉杯 放翁詩。閒弄流塵榭葉杯。

藤杯 王勃詩。風筵調桂軫。月徑引藤杯。

連理合歡 楊方詩。飲我連理杯。宋之問詩。為盡合歡杯。

鸚鵡卮 見唐書。

蘭卮 謝靈運詩。蘭卮獻時哲。羽卮翠卮。文螺卮。

金屈卮 方岳詩。世無解語玉超脫。春欲負余金屈卮。

葡萄卮 吳均詩。朝衣采芙蓉。夜覆葡萄卮。

古銅卮 放翁詩。煎茶小石鼎。酌酒古銅卮。

崑崙玉琖 見青箱雜記。義山詩。鎖香金屈卮。瑞酒玉崑崙。

桃根蕉葉 元微之詩。曲此桃根琖。橫講捎雲式。李長吉詩。瀉酒木蘭蕉葉盞。黃

山谷有梨花琖。

垂蓮琖 歐陽永叔詩。大家金琖倒垂蓮。任西樓低曉月。東坡詩。暫借垂蓮十分琖。

銀花銅葉 樂天詩。錦額簾高捲。銀花琖慢巡。孔平仲詩。大梅君家銅葉盞。

鷓鴣金琖 晁補之詩。鷓鴣金琖有餘春。

荷心琖 張伯雨詩。小於樂玉荷心琖。

鴛鴦琖 白雞琖 酒史。鴛鴦取其逐飛。白鷄取其解酒迅速。

白金盃 樂天詩。千首詩成青玉案。十分酒瀉白金盃。

鵲尾杓 朝野僉載。陳思王有鵲尾杓。柄長而直。置之酒樽。王欲勸者。呼之則鵲尾

指其人。

舒州杓 李白詩。舒州杓。力士鑄。李白與爾同死生。又鶴鷗杓。亦見李白詩。

犀杓翠杓 張耒詩。玉樽犀杓與之俱。放翁詩。金樽翠杓共提攜。龍杓見古賦。

紫瑤觥 曹唐遊仙詩。笑擎雲液紫瑤觥。共請雲和碧玉笙。翠觥羽觥。

雲蟲 牧之詩。雲蟲心凸知難捧。鳳管簧寒不受吹。

白羽觥 周必大詩。屬車誰從黃麾仗。釣艇還飛白羽觥。白鶴觥。九霄觥。雖觥。翠

觥。

素甕 陸士修詩。素甕傳靜夜。綠甕縹甕並見古賦。

縹粉壺 李賀詩。縹粉壺中沈琥珀。

碧玉壺 放翁詩。竹葉春醪碧玉壺。桃花駿馬青絲鞵。

銀罌瑤罌 杜詩。翠管銀罌下九霄。顧阿瑛詩。龍頭瀉酒下瑤罌。瓊罌。金罌。石罌。

翠罌 見詩集。

銅斗 孟郊詩。銅斗飲君酒。手拍銅斗歌。

龍頭鑊 三洲曲。湘東醜綠酒。廣州龍頭鑊。

畫棹 章孝標詩。畫棹倒懸鸕鷀背。花衫對舞鳳凰文。

小花蠻榼 譚用之詩。高調秦箏一兩弄。小花蠻榼二三升。

小甕榼 樂天詩。香醪小甕榼。軟火深土爐。

銀榼銅榼 樂天詩。銀榼攜桑落。放翁詩。銅榼經月常生塵。瓦榼櫻榼。

綠沈香榼 妓某詩。綠沈香榼傾屠蘇。

椰子榼 北軒主人詩。山客遠貽椰子榼。廚人新製葡萄釐。

白角榼雙魚榼 樂天詩。白角三升榼。又何如家醞雙魚榼。籌山外史詩。雙魚榼飲

同心酒。百子盆栽並蒂花。

翠瓮 見詩集。

渠椀鏤椀 昭明太子詩。宜城溢渠椀。中山浮羽巵。陸龜蒙詩。鏤椀傳玉酒。

石缸 天隨子詩。花浸春醪挹石缸。

縹盆 潘岳賦。傾縹盆以酌酒。老瓦盆。見杜詩。

五位瓶 南唐物。以銅為之。

雙玉瓶 杜詩。酒盡沙頭雙玉瓶。范石湖詩。山中名器兩芒屨。花下友朋雙玉瓶。

銀瓶縹瓶 杜詩。指點銀瓶索酒嘗。韓詩。追歡聲縹瓶。

酒船 謂飲器如船式也。牧之詩。夜槽壓酒銀船滿。又。觥船一棹十分空。孔平仲詩。座客競飲黃金船。放翁詩。玉船風動酒鱗紅。晁補之詩。長船刻玉流霞動。快飲不須帆櫓送。亦稱酒椀。酒舫。瓊舟。瓊般。

樂玉船 周必大詩。淺斟未辨銷金帳。快瀉聊憑樂玉船。

兩玉船 見坡詩。

長生木瓢 杜詩。長生木瓢示真率。

酒海 大飲器也。

鸚鵡螺 南州異物志。鸚鵡螺狀如覆杯。可為酒器。陸放翁詩。葡萄錦覆桐孫古。鸚鵡螺斟玉蕤香。駱賓王詩。鸚鵡杯中分竹葉。鳳凰簫裏落梅花。陳與義詩。平生鸚鵡瓊。今夕最關身。

紅螺 杯觴瓊椀並用。曹唐詩。難放紅螺蘸甲杯。又。白螺瓊亦見詩集。

滿眼酌 杜詩。為君沽酒滿眼酌。注。滿眼酌。沽酒器也。

不落 北軒主人詩。歡情傾不落。遠客賦將離。不落酒器。將離。芍藥名。銀不落。見長

金卷荷 歐陽永叔詩。滋澁十分金卷荷。亦作金荷。放翁詩。金荷淺酌閒傳酒。銀葉無烟靜炷香。

酒鎗 齊書。竟陵王子良。遺何點以徐景山酒鎗。

魚枕蕉 永叔詩。酌君以荊州魚枕之蕉。荊魚杯。見東坡詩。蓋荊州出魚枕。可為杯也。

小蠻 高谷傳曰。樂天侍姬。名小蠻者。樂天詩。楊柳小蠻腰是也。又詩。還攜小蠻去。則係酒榼名。

黃目 酒樽名。見禮記。

玉東西 山谷詩。佳人斗南北。美酒玉東西。少游詩。舞急錦腰迎。十八酒醒玉東西。東西。

偏提 卽酒注子也。唐太和中。內官以諱鄭注名。畧改其式。名曰偏提。韓偓詩。忽聞仙樂動。賜酒玉偏提。

金叵羅 太白詩。葡萄酒。金叵羅。吳姬十五細馬馱。

鑿落 樂天詩。銀合鑿落殘。又銀花鑿落從君勸。金屑琵琶為我彈。姜白石詩。翦燭

屢呼金鑿落。倚窗聞品玉參差。

鳴夷 揚雄酒箴。鳴夷滑稽。腹如瓠。壺。鳴夷革囊。以盛酒也。滑稽亦酒器。言其圓轉縱舍無窮之狀。舊人詩。金錢百萬酒千鴟。又時送一鴟。開鎖眉。竟作樽瓮等用。亦有用紫皮鴟者。即鴟夷也。

注酒魁 見山谷詩。大斗也。猶北斗之有魁柄。

服匿 九邊志。服匿式如罌。小口大腹。方底。可受酒酪二斗。

酒筒 皮日休詩。蟲絲度日縈琴薦。蛙粉經時落酒筒。

綠油囊 皎然詩。酒挈綠油囊。

酒旗 清雪居士曰。韓非子。宋人沽酒。懸幟甚高。可見酒市有旗。其來已古。亦稱帘。稱望子。許渾詩。春橋懸酒幔。夜柵聚茶檣。幔即旗也。旗幟與帘。色皆用青。然唐人詩。亦有稱彩幟者。

印泥 陳師道詩。笑呼赤脚圻印泥。放翁詩。山茗封青箬。村醪印赤泥。

勝飲編卷十三

清 廣寧郎廷極北軒輯

箴規

甘酒嗜音。歌於夏之五子。酒與味色。論自魯之共公。前言著蔡。一一非誣。畧舉數條。以為崇酒者戒。次箴規第十三。

濡首 易。飲酒濡首。不知節也。吹劍錄曰。易惟四卦言酒。而皆險難時。需。需于酒食。坎。樽酒簋二。困。困于酒食。未濟。有孚于飲酒。

伐德 詩。醉而不出。是謂伐德。

童殺 詩。由醉之言。俾出童殺。謂醉而妄言。則將罰汝。使出童殺矣。童殺。無角之殺羊。設言必無之物。以恐之也。

彝酒 書。無彝酒。越庶國。飲惟祀。德將無醉。注。彝。常也。言無常于酒。其飲惟于祭祀之時。然亦必以德將之。無至于醉也。

秦豕 禮。秦豕為酒。非以為禍也。而獄訟益繁。則酒之流生禍也。是故先王因為酒禮。一獻之禮。賓主百拜。終日飲酒而不得醉。此先王之所以備酒禍也。

三爵油油 禮玉藻君子之飲酒也。受一爵而灑如也。二爵而言言斯禮。已三爵而油油以退。言言和敬貌。

幾酒謹酒 周禮萍氏掌國之水禁。幾酒謹酒。注以萍為名。取其浮水上。不沈溺也。幾察也。察其非時飲酒。與沈酒者。謹酒。戒民節飲也。

沈酒 韓詩外傳。夫飲之禮。不脫屣而即飲者。謂之禮。跣而上坐者。謂之宴。能飲者飲之。不能飲者已。謂之醜。奔顏色均。眾寡謂之沈。閉門不出者。謂之酒。故君子可以宴。可以醜。不可以沈。不可以酒。

棄事就酒 見六韜論十盜。此其第五盜也。十盜皆言人家致貧之由。

爵作人形 三禮圖射為爵。名豐。作人形。豐本國名。其君以酒亡。因戴孟以戒酒。淫荒皆源于酒。漢書班伯諫成帝曰。沈湎于酒。微子所以告去也。式號式譱。大雅所以流連也。詩書淫荒之戒。其源皆在于酒。

弗繼以淫 蔡邕樽銘。酒以成禮。弗繼以淫。德將無醉。過則荒沈。盈而不沖。古人所箴。尚鑒茲器。茂勸厥心。

屏爵棄卮 晉祖台州與王荊州書。古人以酒為戒。願君屏爵棄卮。焚雲毀榼。殛儀。

狄於羽山。放杜康於三危。

腐腸 養生論。醪醖腐人之腸胃。元微之詩。平生中聖人。翻作腐腸賊。樂天詩。佳肴與旨酒。信是腐腸膏。豔聲與麗色。真為伐性刀。

消腸酒 北軒主人曰。張華造九醞酒。其麪藥非中國所有。釀酒醇。美人醉。須叫嘯。搖蕩不爾。肝腸即消爛。較之覆瓿。布禍尤速矣。當時閩里人語曰。甯得醇酒消腸。不與日月爭光。唐鄭谷詩。險事消腸酒。清歡敵手棋。果以其身殉耶。吳中士夫好食河魷。每援東坡直得一死之言。其有不食者。輒鄙笑之。是亦明知其為消腸酒。而不能忘情也。

狂花病葉 醉鄉日月。或有勇於牛飲者。以巨觥沃之。既撼狂花。復凋病葉。飲流謂。睚眦者為狂花。目睡者為病葉。

歡場害馬 醉鄉日月。酒徒謂不可與飲者。為歡場之害馬。蓋謂語言下俚。面貌麤浮之類。

犯卯過申 清雪居士曰。古人飲宴。卜晝而不卜夜。以日飲有節。至夜將無所底止也。乃荒腴者。自朝至暮。沈埋麪藥中。唐人詩云。不須愁犯卯。且乞醉過申。雖曰高

致實不可以為法。

醉輒自杖。晉書庾袞父在常戒袞酒。後每醉輒自責曰。予廢先人之戒。何以訓人。乃于父墓前自杖三十。

酒如成病。酒誡宋蔡文忠齊倅濟州日。至醉賈存道作詩云。聖君寵重龍頭選。慈母恩深鶴髮垂。君寵母恩俱未報。酒如成病悔何追。文忠自是終身未嘗至醉。

責人正禮。語林孫季舒常與石崇飲。傲慢過度。崇欲奏之。裴楷曰。飲人狂藥。責人正禮。不亦乖乎。

作令惟不飲酒。世說傳魏代劉元明為山陰令。問以舊政。答曰。作縣令。惟日食三升飯。而不飲酒。此第一策也。

以猩猩為戒。陳仲醇曰。猩猩性好酒。人以酒取之。輒先覺。口作詈罵聲。然不肯竟去也。遲徊盆盎間。畧一嘗之。既得其味。便甘而飲之。至醉。終被羈縛。人之於酒。何不以猩猩為戒乎。

禍泉。夷門廣贖。置之瓶中。酒也。酌於杯。注於腸。善惡喜怒歧矣。倘夫性昏志亂。膽脹身狂。平日不敢為者。為之言騰烟焰。事墮筭機。是豈聖人賢人乎。一言蔽之曰。

禍泉而已。

酒亦巖糲。螢雪叢談。陳大卿生平好飲。一日席上有同僚。偶舉知命者不立手巖糲之語為問。一客曰。酒亦巖糲也。陳因是有悟。遂終身斷飲。

百悔經。清異錄。閩士劉乙。嘗乘醉與人爭妓女。既醒。慚悔。乃集書籍中。凡飲酒致失賈禍者。編以自警。題曰百悔經。自後絕飲。至於終身。

飲酒十過。四分律。飲酒有十過失。一顏色惡。二少力。三眼不明。四見嗔相。五壞田。資生。六增疾病。七益鬪訟。八惡名流布。九智慧減少。十身敝命終。墮諸惡道。

醉字義。正字通。按說文。醉。卒也。卒其度量。不至於亂也。然醉必失德喪儀。酒誥。賓筮言之甚詳。未有醉能卒其度量。不至於亂者。醉之從卒。卒。終也。與酒俱卒。危辭也。所以為戒也。

牛飲虎酣。酒史。殷王牛飲而喪朝。楚臣虎酣而敗德。成都有累月之醉。中山困千日之眠。

勝飲編卷十三終

勝飲編卷十四

清 廣軍郎廷極北軒輯

鹿累

最厭晉人禮宣為我輩設一語。况飲酒尤貴溫克。詩曰。飲酒孔嘉。維其令儀。越禮者。甚無取焉。次鹿累第十四。

壑谷 左傳。鄭伯有嗜酒。為窟室而夜飲。擊鐘猶未已。朝者問公為在。曰。吾公在壑谷。

精麴成封 冲虛經。子產有兄曰。公孫朝好酒。朝之室也。聚酒千鍾。精麴成封。望門百步。稽漿之氣。逆於人鼻。清雪居士詩。麴封來按部。棊陣待登壇。

醉眠鄰婦側 阮嗣宗事。尤展成曰。世以柳下惠坐懷不亂。阮籍醉眠鄰婦側。終無他意。稱其不好色。然既已坐懷矣。何必亂。既已醉眠其側矣。何必更有他意。

高陽池 晉書。襄陽有習郁池。園亭最勝。山簡為征南將軍。每出嬉遊。多之池上。置酒輒醉。曰。此我高陽池也。時兒童歌曰。山公出何許。往至高陽池。日夕倒載歸。酩酊無所知。時復騎駿馬。倒著白接羅。舉鞭問葛疆。何如并州兒。北軒主人曰。倒

著接羅亦是韻事。第值永嘉之初。四方寇亂。朝野危懼。簡牘方鎮重寄。而乃優游卒歲。惟酒是耽。國家亦安賴是人哉。兒童歌大含譏刺。非喜而道之也。

三騎對飲 世說謝幾卿性通脫。嘗預樂遊苑宴。不得醉而還。因詣道邊酒壚。停車褰幔。與車前三騎對飲。觀者如堵。幾卿自若。

盜酒 世說畢卓為吏部郎。比舍郎釀酒熟。卓夜往盜飲。醉卧瓮邊。為吏所縛。視之。乃畢吏部也。元稹詩。瓮眠思畢卓。糟籍憶劉伶。

上頓 文章志。王忱嗜酒。一醉輒連日不醒。自號上頓。訪以大飲為上頓。自忱始也。狗竇中大叫 酒史。晉先逸嘗詣胡毋輔之。值與謝鯤諸人閉戶裸袒酣飲。逸將排戶。守者不聽。便於戶外脫衣露頭。于狗竇中大叫。輔之驚曰。他人決不能爾。必孟祖也。乃呼入共飲。時稱八達。逸與輔之鯤。及阮放。畢卓。羊曼。桓彝。阮孚也。

豕飲 三餘雜記。阮咸宗人大盆盛酒。為羣豕所飲。咸直接去其上。便共飲之。蟹飲鶴飲 畫漫錄。蘇子美石曼卿輩飲酒。有名曰鬼飲。了飲。因飲。蟹飲。鶴飲。鬼飲者。夜不燒燭。了飲者。挽歌哭泣而飲。因飲者。露頭危坐。蟹飲者。以毛席自裹其身。伸頭出飲。畢復縮之。鶴飲者。登杪而飲。

以屋為禪。世說劉伶常脫衣裸形而飲。人見譏之。伶曰。我以天地為棟宇。屋室為禪衣。諸君何入我禪中。

龔精 清異錄螺川人何盡。薄有文藝。而屈意於五侯。尤善酒。人以龔精請之。

使酒 緯畧。濯夫剛直。使酒不好面諛。季布任俠有名。孝文時召為御史大夫。有言其勇。使酒難近。宋孔顛使酒仗氣。醉則彌日不醒。僚寀之間多所凌忽。

以酒沐客 乾膜子。武元衡之西川大宴。從事楊嗣復狂酒。逼元衡巨觥不飲。遂以酒沐之。元衡拱手不動。沐訖。徐起更衣。終不令散宴。

好賒酤 江表傳。吳潘璋好賒酤。債家至門。曰。後蒙當還。北軒主人曰。賒酤貧家常事。雅人每以托諸吟咏。如杜詩。鄰家有美酒。稚子也能賒。樂天詩。平封還酒債。堆金選蛾眉。韓偓詩。穢僧互乞新詩去。酒保頻徵舊債來。放翁詩。得祿僅償賒酒券。思歸新草乞祠堂。又酒甯刺欠尋常債。劍不虛施細碎讐。清雪居士詩。賴有賣文錢。稍稍還酒負。又酒通驟清深自喜。若潘璋。直是賴債子矣。

三日僕射 語林。周顛初以雅望。獲海內盛名。過江積年。大飲酒。常經三日不醒。時謂之三日僕射。

雜穢非類。世說劉公榮與人飲酒。雜穢非類。人或譏之。答曰。勝公榮者不可不與飲。不如公榮者亦不可與飲。是公榮輩者。又不可不與飲。故終日共飲而醉。後公榮與王戎會阮籍所。阮謂王曰。偶有二斗美酒。當與公共飲。彼公榮者無預焉。二人交觴酬酢。公榮遂不得一杯。而言語談戲。三人無異。或有問之者。阮答曰。勝公榮者。不得不與飲酒。不如公榮者。不可不與飲酒。惟公榮可不與飲酒。王鳳洲曰。即以公榮語翻出。可謂滑稽之雄。

狂司馬。晉書謝弈與桓溫善飲酒。無復朝廷禮。當逼溫飲。溫走入南康主門避之。主曰。君若無狂司馬。何由我得相見。弈遂攜酒就廳事。引溫一兵帥共飲。曰。失一老兵。得一老兵。亦何所怪。溫不之責。清雪居士曰。以布衣之好。而岸幘嘯咏可矣。若此。太覺無禮。不謂宣武老賊竟能容之也。

晝夜酣飲。典論劉崧鎮袁紹軍。紹與子弟。日共飲宴。當三伏之際。晝夜酣飲。極醉。至於無知。云以避一時之暑。故河朔有避暑飲。

杖託復與飲。世說補。何承裕為整屋咸陽二縣令。醉則露首跨牛趨府。往往召豪吏。接坐引滿。吏因醉。扶私白事。承裕曰。此見罔也。當受杖。杖託復召與飲。

酒窟。澄懷錄。蘇晉作曲室為飲名酒窟。地上每一磚。鋪酒一甌。計磚五萬枚。晉日率友朋次第飲之。取盡乃已。

狂言驚座。本事詩。杜牧為御史。分務洛陽。李聰罷鎮閒居。聲伎豪華。為當時第一。一日開宴。朝客高流。靡不臻赴。以杜持憲不敢選置。杜遣座客達意。願與斯會。李不得已。馳書迎之。杜至。瞪目注視。諸女妓曰。聞有紫雲者。孰是。宜以見惠。諸妓皆回首破顏。牧連飲三爵。朗吟而起曰。華堂今日綺筵開。誰喚分司御史來。忽發狂言驚滿座。兩行紅粉一時回。

甃泛春渠。酒史。汝陽王璵。嘗取雲夢石。甃泛春渠。以蓄酒。作金銀龜魚。浮沈其中。醉興。天寶遺事。申王將錦綵結成兜子。醉則擡歸。號醉興。

陳三更。酒史。宋陳儀。董儼。為三司副使。會飲樞策。歸常連夜。時為語曰。陳三更。董半夜。

勝欽編卷十四終

勝飲編卷十五

清 廣寧郎廷極北軒輯

雅言

酒中意趣難以言傳。出自雋人便覺親切有味。正不必匡鼎說詩令人解頤也。次

雅言第十五

無事 國策陳軫謂犀首曰。卿何為好飲。曰無事。東坡詩。欲飲三堂無事酒。

痛飲讀騷 世說王孝伯恭言。名士不須奇才。但能痛飲。孰讀離騷。便可稱名士。

劉克莊詩。酒與離騷難捏合。不如痛飲是單方。

引人著勝地 世說王衛軍嘗云。酒正。自引人著勝地。

使人自遠 世說王光祿蘊云。酒正。使人人自遠。

形神不相親 世說王佛大忱歎言。三日不飲酒。覺形神不復相親。清雪居士曰。

蘊之父濛。嘗之父導。忱之父坦之。三人言酒。意義不甚遠。可想見王氏門風。

未知酒中趣 世說孟嘉好飲。喜酣暢。愈多不亂。桓宣武嘗問酒有何好。而卿嗜之。

嘉曰。公但未知酒中趣耳。北軒主人曰。余嘗論古來酒人。惟淵明深得酒中趣。

乃淵明。係孟嘉第四女所生也。宣外孫亦有祖述與。

樽中酒不空。漢書孔融為北海相。喜後進。賓客日盈其門。常歎曰。坐上客常滿。樽中酒不空。吾無憂矣。

作僕射不如飲酒樂。北齊李元忠語。

遠營糟邱。陳暄答兄子書。遠營糟邱。吾將老焉。放翁詩。愚公可笑金堆屋。老子

惟須糟築邱。

拍浮酒池。畢卓嘗謂人曰。右手持酒杯。左手持蟹螯。拍浮酒池中。便足了一生。

清雪居士詩。一生不較魚熊掌。兩手惟須酒蟹螯。

得封酒泉。類林。漢郭宏好飲。曰。得封酒泉郡。實出望外。又晉姚馥。美人也。好飲。嘗

渴於酒。羣輩呼為渴羌。武帝授以朝歌守。馥且願為馬圉。時賜美酒。以終餘年。帝

曰。朝歌高之舊都。酒池猶在。馥固辭。乃遷酒泉太守。乘醉拜受焉。北軒主人曰。

酒泉。今肅州地。有金泉。泉味如酒。漢時因以名其郡。飲徒語及酒泉太守。輒為神

往。皮囊美有味。酒泉詩云。春從野鳥沽。晝任閒猿酌。我願葬茲泉。醉魂似鳧躍。則

與死葬陶家之側。同一設想矣。

名不如酒。晉書。張季鷹縱任不拘。或謂其獨不為身後名耶。答曰。使我有身後名。不如即時一杯酒。清雪居士曰。樂天詩。身後堆金柱北斗。不如生前一杯酒。名與利一也。然太白詩。古來聖賢皆寂寞。惟有飲者留其名。是欲得名。又無如飲酒矣。

時復中之。異苑。徐邈為尚書郎。時禁酒而邈私飲沈醉。從事趙達問以曹事。邈曰。中聖人。達白太祖大怒。解于輔進曰。醉客謂酒清者為聖人。濁者為賢人。邈性修慎。偶醉言耳。後文帝見邈問曰。頗復中聖人否。邈曰。昔子反斃於穀陽。御叔罰於飲酒。臣嗜同二子。時復中之。帝大笑。東坡詩。君特未知其趣耳。臣今時復一中人。又時復中之。徐邈聖。無多酌我。次公狂。放翁贈酒樵詩。賴有小道士。時來中聖人。

無多酌我。漢書。蓋寬饒賀許伯入第。即曰。無多酌我。我乃酒狂。丞相魏其侯笑曰。次公醒而狂。何必醉也。

取為酒壺。笑林。鄭泉自言。我死必葬陶家側。庶百歲之後。化而成土。幸見取為酒壺。實復我心矣。元微之詩。他時定葬燒缸地。肯與人家得酒感。

糟肉更堪久。世說王導語孔羣云。卿何為恒飲。不見酒家覆甌布。日月糜爛羣曰。不爾。不見糟肉。乃更堪久乎。羣嘗與親舊書。今年田得七百斛。米不了麩菜事。忍斷杯中物。三餘雜記吳衍好酒。後以醉忤權貴。遂戒飲。阮宣以拳敲其背曰。看老癖。羣漢忍斷杯中物耶。

竹酒相並。襄陽耆舊傳。辛仲宣裁竹為罌。以酌酒曰。吾性愛竹及酒。欲令二物相並耳。

對飲惟明月。南史謝謏不妄交。門無雜賓。有時獨醉曰。入吾室者。但有清風對吾飲者。惟當明月。李白詩。舉杯邀明月。對飲成三人。王義山詩。論文惟有詩知己。把酒相忘月與吾。

酒興不空。類林劉公幹居鄴下。庭有桃花。諸公子遊賞而去。公幹問僕。摘花乎。僕曰。無之。公幹喜曰。珍重輕薄子。不損折此花。使吾酒興不空也。

兄弟輩宜早還宅。北史魏元孚好酒。貌短而秃。文帝偏所眷顧。常置酒十瓶。上皆加帽以戲。孚一見即驚。喜曰。吾兄弟輩甚無禮。何為入王家。匡坐相對。宜早還宅也。遂盡攜以歸。帝憮然大笑。

良醞可戀。唐書。王績初待詔門下省。故事官為給酒。或問待詔何樂。曰。良醞可戀耳。

澆書。三餘雜記。東坡以晨飲為澆書。李黃門以午睡為攤飯。放翁詩。澆書滿把浮蛆瓮。攤飯橫眠夢蝶牀。

醉有所宜。皇甫崧曰。凡醉有所宜。醉花宜畫。襲其光也。醉雪宜夜。消其潔也。醉樓宜暑。資其清也。醉水宜秋。泛其爽也。醉得意。宜唱歌。導其和也。醉將離。宜擊鉢。壯其神也。醉文士。宜謹節奏。章程畏其侮也。醉俊人。宜加醜。孟祺幟助其烈也。

學佛學仙。陳仲醇曰。酒能亂性。佛氏戒之。酒能養氣。仙家飲之。余於無酒時學佛。有酒時學仙。

勝飲編卷十五終

勝飲編卷十六

清 廣寧郎廷極北軒輯

雜記

酒事瑣餘。無所依附。或亦可資席俎雅談。次雜記第十六。

投酒器 晉書陶侃投參佐酒器擗滿之具於江。北軒主人曰。飲酒真廢時失事。陶公豈有見於當時任達之習。將無底止。特以風世與。想到惜分陰一語。自令人屏絕杯鐺矣。

嘔丞相茵 史丙吉為相。馭吏醉嘔污車中茵。西曹欲治以罪。吉曰。不過嘔丞相車茵耳。第忍之。北軒主人曰。韓魏公開宴。吏碎玉杯。公曰。非故也。古人惟量。往往如是。

投醪 黃石公書。昔良將有饋箠醪者。投於河。令士卒迎流飲之。越王句踐事同。

以酒投行觴者。南史陰鏗宴飲。因回酒爇。投行觴者。坐客皆笑。曰。吾儕終日酣飲。

而行觴者不知其味。非人情也。及侯景亂。鏗為賊擒。或救免之。即行觴者。清雪

居士曰。顧榮亦有分天事。與鏗事同。中山君之壺殮。趙宣之食桑間餓者。不過沾

沾小惠。偶一行之。而終得其報。况於露大恩。沐殊遇者乎。

酒薄被圍。淮南子。魯趙皆獻酒於楚。楚之主酒吏。求酒於趙。趙不與。吏潛以趙厚酒。易魯薄者。奏之。楚王以趙酒薄。遂圍邯鄲。

醴酒不設。楚王戊與穆生事。

酒黨。後漢馮方。怨桓彬。誣為酒黨。遂終廢棄。

解乏。開元遺事。開元中。天下康樂。自招應縣至都門。當官道左右市酒。亦有施者。

為行人解乏。號為歇馬杯。亦古人衛尊之義也。清雪居士曰。較之德宗播遷時。

京師市上。偶有一醉人。人聚觀以為祥瑞者。何嘗懸絕。

告身易醉。唐書。至德中。官爵冒濫。大將軍告身。才易一醉。

酒有別腸。閩史。閩主曠言。周維岳身甚小。何飲酒多。左右曰。酒有別腸。閩主欲剖

視之。或曰。殺維岳。無人侍劇飲。乃止。

三友。長慶集。樂天以詩酒琴為三友。嘗作詩曰。昨日北窗下。自問何所為。所親惟

三友。三友者為誰。琴罷輒飲酒。酒罷輒吟詩。三友遞相引。循環無已時。

染脣漬口。笑林。王子淵。襄買得髯奴。名使了。戲作僮約。頗堪發笑。其畧曰。奴從百役。

飲不得有二言。但當飲水不得嗜酒。欲飲美酒。惟當染唇漬口。不得傾盃覆斗。事訖欲休。當春一石。夜半無事。浣衣當白。奴不聽教。當筵一百。讀券文畢。奴兩手自搏。目淚下落。鼻涕長一尺。如王大夫言。不如早歸黃土陌。蚯蚓鎖額。

獵酒

霏雪錄。五代漢常思。有從事來見。思怒曰。必是來獵酒。命典客飲而遣之。

北軒主人曰。獵酒二字甚新。庾信詩。劉伶方捉酒。賈賓王。貨酒成都妻亦然。杜詩。空愁避酒難。樂天。豈宜憑酒更羸狂。元微之。接酒待殘鶯。曹唐。暗笑夫人推酒聲。韋莊。大抵行人難訴酒。陳師道。棧羊節酒待公歸。晁冲之。豪放悉寓酒。范成大。駢客顛詩亦狂酒。清雪居士。無地可逃酒。他如戰酒。鬪酒。賭酒。準酒。過酒。試酒。皆不敵此二字也。

醒酒石醒酒草

澄懷錄。石能醒酒。則李衛公平泉莊物也。草能醒酒。則開元興慶

池南物也。

別一罌非酒

霏雪錄。晉孔弈有道酒者。奕遙呵曰。人餉我兩罌酒。其一何故非也。

視之一罌果是水。人詢其故。弈曰。酒重水輕。提酒者。手有輕重故耳。

飲儲

下酒物。謂之飲儲。

酒保酒傭 史記樂布困窮為酒家保。後漢書李燮李固子。亡命為酒家傭。

馬軍 杜甫謝嚴中丞送酒詩。洗琰開營對馬軍。馬軍。即所遣送酒人也。

三不如人 宋皇甫牧曰。子瞻自言。平生有三不如人。謂著棋。喫酒。唱曲也。然三者

亦何用如人。子瞻詞雖工。多不入腔。正以不能唱曲耳。

算酒 算書。趙達如故人家食畢。主人曰。乏嘉肴。無以敘意。達因取雙筋。再三縱橫

曰。君東壁下有美酒一斛。鹿肉三觔。主人慙曰。以卿善射。故相試耳。

酒藏吏 談數。晉戴洋年十二。病死而蘇曰。天使我為酒藏吏。

唐時酒價 學齋帖。真宗偶問丁謂。唐時酒價。謂對以每升三十。上問何據。乃引

杜詩。速來相就飲一斗。恰有三百青銅錢。上頗喜其對。然李太白。又有金樽美酒

斗十千之句。李杜同時。何所言酒價迥異。客有善謔者曰。太白自謂美酒。恐老杜

不擇飲而醉。村店壓茅柴耳。此雖戲言。卻亦近理。

當壚 史記司馬相如與卓文君臨卽賣酒。文君當壚。相如滌器。北軒主人題文

君當壚賣酒圖。歸鳳求凰絕響。話來賣酒如新。不羨當壚豔質。偏憐滌器才人。

酒稅 清雪居士曰。熙寧酒課。載杭設十務。稅三十萬貫以上。蘇州七務。稅二十萬

貫以上。獨於秀州有十七務。稅十萬貫以上。課少而務多。總天下而計之。其榷稅有百萬貫餘。是豈為盛時美政也。裕國之道。要不在此。張蠙詩。甘貧只擬長監酒。忍病猶期強采花。

分杯飲。左慈與曹操事。

喫酒滅火。雞肋。後漢樂巴。喫酒救成都火。郭憲。喫酒救齊國火。晉佛圖澄。喫酒救幽州火。

壽星臨帝座。緯史。宋仁宗時。有道士遊於市。形狀大異。飲酒不醉。好事者圖其形。達於帝所。帝召見。賜酒一石。飲盡。次日。司天臺奏云。壽星臨帝座。忽失道人所存。虹吸酒。祥驗集。韋皋鎮蜀。有虹垂首於筵。吸酒。旬日。拜中書。

君山美酒。湘州志。酒香山。在君山上。有美酒數斗。飲之者不死。漢武求得之。為東方朔竊飲。帝欲殺之。朔曰。酒若驗。即殺臣。臣亦不死。臣死。酒亦不驗。乃得免。

華山酒姬。列仙傳。呼子先者。漢中卜師也。壽百餘歲。臨去。呼酒家姬曰。急裝。與汝俱去。夜有仙人持二茅狗來。子先持一與姬。乃龍也。騎之上華陰山。後嘗於山上大呼。言子先酒母在此。

斗星花人飲酒 國史異纂。唐太宗時。李淳風奏北斗七星當化為人。明日至西京市飲酒。帝使人候之。有胡僧七人。入自金光門。至西京酒肆飲酒。使者宣勅。七人笑曰。此必淳風小兒言也。忽不見。

太白酒星 唐逸史。成都酒家。每有紗帽藜杖四人來飲。飲輒數斗。其言愛說孫思邈。明皇召思邈問之曰。此太白酒星。仙品絕高。每遊人間飲酒。處處皆至。尤樂蜀都。

成德器 紀異錄。有人自稱成德器。從人求酒。擊之。乃一酒瓮。酒魔 蔣氏日錄。元載不飲酒。鼻聞氣即醉。有人以針挑其鼻。出一小蟲。曰。此酒魔也。是日飲一斗。

鬼醉 妄言。漢建武年。東萊人姓也。家嘗作酒。一日見三奇客。共持麩飯。至索酒飲。飲竟而去。頃有人來云。見三鬼酣醉於林中。

薄荷為酒 清異錄。猫以薄荷為酒。雞以桑椹為酒。虎以狗為酒。蛇以茱萸為酒。皆謂食之則醉。又蜜蜂以蕎麥花為酒。

勝飲編卷十六終

勝飲編卷十七

清 廣寧郎廷極北軒輯

正喻

凡物有比擬而益見其佳者。於是愛酒之人。正言之不足。復罕譬言之。次正喻第十七。

顧建康 南史。齊顧憲之為建康令。號神明。都下飲醇酒。號顧建康。言其清且美也。如淮如澠。左傳。晉侯與齊侯宴。中行穆子相。投壺。晉侯先。穆子曰。有酒如淮。有肉如坻。寡君中。此為諸侯師中之。齊侯舉矢曰。有酒如澠。有肉如陵。寡人中。此與君代興。亦中之。又魏都賦。清醕如濟。濁醪如河。

如泉如川 杜詩。不有小舟能蕩漿。百壺那送酒如泉。歐陽文忠詩。况有玉鍾應不負。夜槽春酒響如泉。北軒主人詩。花鈿人似月。翠瓮酒如川。

碧如江 楊誠齋詩。南溪新酒碧如江。北地鶯梨白似霜。

綠如苔 韋莊詩。榴花新釀綠如苔。對雨開傾竹葉杯。

如霞 歐陽文忠詩。誰能慰寂寞。惟有酒如霞。

如乳如錫 岑參詩。綠繩玉缸酒如乳。樂天詩。甌泛茶如乳。臺茹酒似錫。又。酒味濃于錫。

似蜜甜 杜詩。不放香醪似蜜甜。

滑如油濃似粥 東坡詩。白酒無聲滑瀉油。又。社酒粥面濃。放翁詩。街頭買酒滑如油。又。高樓臨路酒如油。又。酒似粥濃知社到。餅如盤大喜秋成。

肥于豎臍如織 皮日休詩。糟牀帶松節。酒臍肥于豎。元微之詩。繪縷輕似絲。香醪臍如織。

鵝黃鴨綠 東坡詩。應傾半熟鵝黃酒。照見新晴水碧天。放翁詩。新酒黃如脫殼鵝。誠齋詩。坐上豬紅間熊白。瓮頭鴨綠變鵝黃。北軒主人詩。浮醅真鴨綠。染紙是鵝青。又把杯喜泛鵝黃乳。

色如鵝醪 放翁詩。晨起常教置一壺。色如鵝醪潤如酥。

鵝兒鵝雛 范浚詩。玉梳鵝兒酒。花瓶虎子鹽。放翁詩。釀成西蜀鵝雛酒。煮就東坡肉糝羹。

釐湯蜜汁 東坡詩。酸酒如釐湯。甜酒如蜜汁。三年黃州城飲酒。但飲漚。

金屑醅玉色醅 樂天詩。金屑醅濃吳米釀。銀泥衫穩越娃裁。東坡詩。不如飲我玉色醅。

白玉泉 東坡詩。聞道清香聞新篳白玉泉。

沙糠味 古聖郎曲。酒無沙糠味。為他通顏色。

油衣 元微之詩。酒愛油衣淺。

珠顆 少遊詩。香槽旋滴珠千顆。歌扇驚圓玉一叢。

一瓮雲千鍾乳 東坡詩。自撥牀頭一瓮雲。幽人先已醉濃茶。清雪居士詩。聖酒千鍾乳。神丹一粒砂。

秋江寒月 山谷清醇酒頌。清如秋江寒月。風吹波靜而無雲。醇如春江永日。落花游絲之困人。

養生主齊物論 三餘雜記。唐子西。在惠州。名酒之和者曰。養生主。勁者曰。齊物論。

酒蟻酒蛆 北軒筆記。周禮。酒有泛齊。謂浮蟻在上。洗洗然也。蛆義同。如春蟻。臘蟻。

玉蟻。綠蟻。縹蟻。白蟻。素蟻。玉蛆。浮蛆之屬。詩家多用之。樂天詩。香醪淺酌浮如

蟻。雲鬢新梳薄似蟬。

酒母酒子 方秋崖詩。春蔓茶僧老。秋泓酒母淳。放翁詩。鄰翁分酒子。羽客借桐孫。
酒嫩酒肥 陸龜蒙詩。凍醪初漉嫩如春。輕蟻漂漂雜藥塵。皮日休詩。茗甌不禁
矣。酒肥或難傾。

頭酒尾酒 正字通俗。叶醕為頭酒。醕為尾酒。

捉酒虎 酒史。誘謂海錯之監者。為捉酒虎。

酒波 倪璞詩。酒波蕩漾天河傾。放翁詩。夜煖酒波搖燭焰。舞回妝粉鑠花光。

酒花 李羣玉詩。酒花蕩漾金樽裏。棹影飄搖玉浪中。孔平仲詩。酒花隨煖聚。酥蘂
帶寒開。

酒鄉 宋林景熙詩。乾坤浩蕩酒鄉寄。山水蒼寒琴意參。北軒主人曰。酒鄉醉鄉
之屬。不過寓言耳。然浙之嘉興。稱醉里。相傳吳王曾醉西施於此。因名。蘇州越來
溪西南。有酒城。志亦言吳王所築以釀酒。則實有其地也。

酒醪 陸龜蒙詩。酒醪大如斗。

糟邱糟垤糟隄 李白詩。壘麴便築糟邱臺。山谷詩。鳧峯視糟垤。既化不自知。清雪
居士詩。堪笑世人耽麴蘗。糟隄一築如沙隄。

酒中住 東坡詩甚欲隨陶公。移家酒中住。又醉處即為家。阮宣語也。

酒為年 杜詩。應須蒸度日。且用酒為年。林景熙詩。風月未容詩入務。乾坤應用酒為年。

三味酒 柳宗元詩。楓樹夕陽亭。共傾三味酒。

聲聞酒 樂天詩。何年飲著聲聞酒。

軟飽 東坡詩。三杯軟飽後。一枕黑甜餘。

醉侯 皮日休詩。他年謁帝言何事。請贈劉伶作醉侯。放翁詩。未恨名風漢。惟求拜醉侯。

醉頭醉腮 陳師道詩。醉頭強為好峰擡。蘇子美詩。爽籟颯颯吹醉腮。

醉帆 陸龜蒙詩。醉帆張數幅。惟待鯉魚風。

醉袖 放翁梨花詩。嘗思南鄭清明路。醉袖吟風雪一枝。

醉如泥 項銖舊有醉如泥之喻。按南海有無骨蟲。名曰泥。在水中則活。失水則醉。

如堆泥 取義本此。杜詩。飯糲添香味。朋來有醉泥。

蜂識酒香 陳師道詩。谷鳥驚棋響。山蜂識酒香。

蝶酣鶯醉 北軒詩話。曾見酒店字聯。飛鳥聞香應化鳳。遊魚得氣亦成龍。幾為絕倒。皮囊美酒樓詩。亦有舞蝶傍應酬。啼鶯聞亦醉之句。雖覺稍雅。然如此比擬。李杜諸家決不入詩也。

酒不及風 唐詩。無將故人酒。不及石尤風。

如雨滴 山谷詩。醉頭夜雨排檐滴。

杯似海寬 放翁詩。但遣銀杯似海寬。北軒主人詩。花欄一似霞文麗。酒罈真如海樣寬。

畏酒如畏虎 放翁詩。少年見酒喜欲舞。老大畏酒如畏虎。

酒猶兵也 北軒詩。說陳暄引江諮議言。酒猶兵也。兵可千日不用。不可一日不備。酒可千日不飲。不可一飲不醉。余有詩云。知心止許琴為友。伐性須防酒是兵。同以兵為喻。意卻相反。

勝飲編卷十八

清 廣寧郎廷極北軒輯

借喻

破悶追歡莫不歸功於酒。委而去之。未免枯寂。乃有與酒為類者。瓮香如在亦足以塞流涎之口。次借喻第十八

若作酒醴

書若作酒醴。爾惟麴蘖。殷高宗命傅說之辭。

味言若酒

北史魏太宗與崔浩論事。語至中夜。大悅。賜浩綠碧酒十觚。水精戎鹽

一兩。曰。朕味卿言。若此鹽酒。

如飲醇醪

江表傳。程普數侮周瑜。瑜不較。普敬服曰。與周公瑾交。如飲醇醪。不覺

自醉。

醴泉

符瑞錄。王者政平。則醴泉湧出。又。王者宴不及私。則銀瓮呈祥。

喜氣如春釀

東坡詩。一家喜氣如春釀。

酒旗星

星經。酒醪五齊之屬。天文酒旗星主之。

王子深詩。挹漿依斗柄。酌酒問

旗星。放翁詩。相法無侯骨。生平直酒星。

天酒 太平廣記甘露一名天酒。北軒主人詩。土釧仍示儉。天酒每徵祥。

沉釀川 古今注漢魏宏為閩鄉吾夫夜宿一津。逢故人四顧荒野。無酒可酤。因以

錢投水中。挹水酌之。盡夕酣暢。後人遂名其地曰沉釀川。

楊茂化于醇釀 費禕傳。

味勝清醕 周必大詩。篇篇有味勝清醕。

濃比酒 程俱詩。客裏閒愁濃似酒。春來歸思亂于雲。東坡詩。夜來春睡濃于酒。壓

襦佳人纏臂金。又。世事如今臘酒濃。交情自古春雲薄。范石湖詩。花氣薰人濃似

酒。又。詩情飲興如雲薄。草色花光似酒濃。張耒詩。別離滋味濃于酒。放翁詩。秋晚

聞愁抵酒濃。崔道融詩。三月寒食時。日色濃于酒。韓琮詩。暖風遲日濃于酒。

天和當飲 薛文清詩。道腴可充餐。天和足當飲。

祭酒 官制。考祭酒之官。漢武時置。時未有國學。凡官名祭酒。皆一位之元長。古者

嘗得主人饌。則老者一人舉酒以祭地。故以祭酒為稱。

古人糟粕 三餘雜記。齊桓公讀書堂上。輪扁曰。君之所讀者。古人之糟粕已夫。

接如醴 記。君子之接如水。小人之接如醴。君子淡以成。小人甘以壞。

歸思如酒 放翁詩。歸思恰如重醞酒。

麴塵波麴塵絲 樂天詩。晴沙金屑色。春水麴塵波。劉中山詩。龍池遙望麴塵絲。則

柳也。

柳爛金醅 皮日休詩。柳芽初吐爛金醅。

黃似酒 杜詩。鵝兒黃似酒。對酒愛新鶉。

似壓酒聲 東坡詩。蓬牕高枕雨如繩。恰似藉牀壓酒聲。

以水色比酒 北軒詩話。太白詩。遙看漢水鴨頭綠。恰似葡萄初發醅。王履珪詩。雨

溪春水綠如醅。放翁詩。山花白似雪。江水綠于釀。晁冲之詩。我家秦晉間。春水色

如酒。古人以水比酒。定是春水。若夏水多潦。秋水多澁。冬水多凝。皆不類也。

如中酒非中酒 唐入下第詩。氣味如中酒。情懷似別人。倪雲林詩。旅思淒淒非中

酒。人情落落似殘棋。

酒暈妝 日北美人妝。面既傅粉。復以胭脂調勻掌中。施之兩頰。濃者為酒暈妝。淺

者為桃花妝。薄薄施朱。以粉罩之。為飛霞妝。

斗不挹酒 詩。維北有斗。不可以挹酒漿。

及時杯 石湖詩。新漲忽明多病眼。好風如把及時杯。

文如瓊杯玉斝 唐書謂王翰。

衡尊 淮南子。聖人之道。猶中衡而致尊。註。道六通。謂之衡尊。

古彝尊 陳傅良詩。天子居然古彝尊。

如造內法酒手 後山詩話。子瞻謂孟浩然詩。韻高而才短。如造內法酒手。而無材

料爾。

妝臺前飲一金瓊 唐詩話。牡丹詩。有國色朝酣酒。天香夜染衣之句。明皇謂貴妃

曰。試于妝臺前飲一紫金瓊酒。則此詩可見矣。

情似酒杯深 薛昭蘊詩。意滿更同春水滿。情深還似酒杯深。

傾空罌 東坡詩。自笑才盡傾空罌。

書名玉杯 庾信集。琴疏珠柱。書名玉杯。玉杯。董仲舒所著書名。

水平如杯 孔平仲詩。綠榆覆水平如杯。

挈壺 欽天監官名。

提壺盧 烏名。歐陽永叔詩。獨有花上提壺盧。勸我沽酒花前傾。東坡詩。花下壺盧烏

勸沽。惠洪詩。勸沽何處禽。知我含笑誰家花。隔籬。

酒瓮酒囊。橫衡云。荀彧可與強言。餘皆酒瓮飯囊耳。又唐末馬殷竊據湖南。亦有

酒囊飯袋之稱。

旅酬。放翁詩。百年子初筵。我已迫旅酬。自謂年老也。

釀雪天。宋人詩。山色蒼寒釀雪天。

心醉六經。見文中子。北軒主人曰。古人用醉字。不闕酒者甚多。如杜詩。桃花氣

暖眼似醉。李咸用牡丹詩。蝶迷蜂醉飛無聲。劉中山詩。花時天似醉。孟郊詩。醉紅

不自力。狂豔如索扶。謂花也。劉長卿木蘭詩。香醉往來人。楊萬里詩。春醉非闕酒。

又月如醉。眼生紅暈。又杏花詩。晴黃雨醉總相宜。劉從益詩。花醉紅沾袖。松吟翠

逸身。王仲修詩。宮鶯嬌醉弄春風。凡此醉字。皆勝於飲酒也。

竹醉日。歲時廣記。五月十三。為竹醉日。宜移竹。

映檐白醉。唐書。高太素隱高山。起六道遙館。各製一銘。其三。為冬月初出。銘曰。折

膠墮指。夢想負背。金鑼騰空。映檐白醉。

醉忘歸。隋煬帝帳名。見南部烟花錄。

名利醉人 唐鄭雲叟詩。浮名浮利過於酒。醉得人心死。不醒。
春睡酣 東坡詩。落日半窻春睡酣。
紅酣 曾子固詩。荷花落日紅酣酒。

跋

右勝飲編十八卷

國朝郎廷極撰按廷極字紫銜號北軒鑲黃旗漢軍是書題

廣寧其祖籍歟官至江西總督彭紹升測海集思賢篇有總督郎廷佐亦鑲黃旗漢軍資治新書亦作廣寧人殆廷極兄弟行歟廷佐亦曾巡撫江西且崇祀名宦兄弟同開府於其地亦盛事云是書據查楊兩序則撰於官山左時廷極復著有文廟從祀先賢先儒考與是書均著錄 四庫提要附存目中是書十八卷分列總目而每

卷復有目錄頗嫌煩碎是可刪也廷佐為 國初名臣而茶餘客話稱 御窑磁器

超越前代有曰郎窑者巡撫廷佐所造仿古酷肖今之所謂成宣者皆郎窑也則鑲缸之贈當不讓瀉瀾卮鷓鴣螺鷓鴣金錢等又顏氏家藏尺牘姓氏考稱杜蒼舒性好客冠蓋輻輳每酒酣耳熱潑墨揮毫當客廷極幕府則賓主勸酬定多樂事其有序云引申白之嘉賓嘗為置醴又云不善飲而愛觀人飲其深得酒中趣者歟藝苑搜奇曾刻是書特重付剞劂以諷世之日坐斲善飲者咸豐癸丑花朝令節南海伍崇曜謹跋

